

Peqqinnissaqarfiup sullissineri il.il. pillugit inatsisartut peqqussutaannut oqaaseqaatit.**Nalinginnaasumik oqaaseqaatit**

Peqqinnissaqarfiup tiguneqarneranut atatillugu Peqqinnissaqarfiup sullissineri il.il. pillugit Inatsisartut peqqussutaat nr. 8, 30. oktober 1992-imeersoq akuersissutigineqarpoq. Peqqussut Inatsisartut peqqussutaatigut nr. 15, 31. oktober 1996-imeersukkut allanngortinneqarpoq ullorlu manna tikillugu peqqinnissaqarfiup ingerlatsineranut tunngavimusimalluni. Peqqussut malillugu ingerlatsinermut atatillugu paasinarsisimavoq iluarsiinissat erseqqissaanissallu pisariaqartinneqartut.

Atuisunut atoruminartuunissaa eqqarsaatigalugu peqqinnissaqarfiup sullissineri il.il. pillugit Inatsisartut peqqussutaat maannamut atuuttut allannguutissatullu siunnersuutit Peqqinnissaqarfiup sullissineri il.il. pillugit Inatsisartut peqqussutissaannut ataatsimut katersorneqarsimapput.

Kalaallit Nunaat Ottawami Isumaqaatigiissummut isumaqataanermigut pisussaalerpoq peqqinnissamut politikiliussalluni WHO-p anguniagaanut "Ukioq 2000-mi inuit tamarmik peqqinnissaannut" aamma WHO-p europami peqqinnissamut politikikkut anguniakkanut naapertuuttumik. WHO-p anguniagaani tunngaviuvoq tamatigut napparsimanaveersaartitsinermi suliniutit patajaallisarneqassasut - minnerunngitsumik najukkani ataasiakkaani, sapinngisamik innuttaasunut qaninnerpaasumi.

Inatsisartut peqqussutaat ullumikkut atuuttut WHO-p anguniagaanut napparsimanaveersaartitsinerup patajaallisarneqarneranut peqqinnerulernissamullu suliniutit nalinginnaasut naapertorlugit, kiisalu WHO-p peqqinnissaqarfimmik naleqquttuunissaanik anguniagaqarneranut, tassa peqqinnissaqarfik annertunerusumik passussinermik katsorsaanermillu akisussaaffini qimannerullugu peqqinnerulernissamut siuarsaaniarnermut ingerlatsinerulernissamik naapertuuttumik suliarineqarsimapput.

Ottawami Isumaqaatigiissut naapertorlugu peqqinnerulernissamut siuarsaaniarnerit anguniagaraat ullumikkut peqqussutsikkut assigiinngissutsit millisinneqarnissaat innuttaasullu tamarmik peqqinnerulernissaminnut assigiimmik periarfissinneqarnissaat. Pingaartuuvorli erseqqissassallugu innuttaasut peqqinnissaat peqqinnissaqarfiup kisimiilluni siuarsarsinnaanngimmagu, tassanili pisariaqarluni attuumassuteqartut tamarmik ataqaatigiissaartinnerisigut suleqataanissaat.

Taamatuttaaq napparsimanaveersaartitsinermi politiki sunniuteqarluarsinnaasoq peqqinnissaqar-

UKA 1997/29

PIP j.nr 45.04.01.01/97

fiup kisimiilluni ingerlassinnaangilaa, tassani pisariaqarluni inuit ataasiakkaat inuiaqatigiinnilu oqartussaaffiit amerlanersaat peqataallutik siunertaqarlutillu suliniuteqarnissaat. Aammattaaq pingaaruteqarpoq najukkani innuttaasut neqeroortigisinnaasaat suliaallu pinaveersaartitsiner-mut akulerutitissallugit.

Inatsisartut peqqussutaat taamaalilluni qulaani pineqartut naapertorlugit anguniakkatut aalajan-gersakkanik imaqarpoq, tassanilu peqqinnissamut siuarsaaneq napparsimanaveersaartitsinerlu peqqinnissaqarfiup suliassaasa pingaarnersaraat.

Suliassaqarfiit pingaarutillit allanngortitigassat ilagaat kigutilerisoqarneq. Taamaalilluni tassani pineqarpoq ilumoortumik nassuiarluakkamik suliaqarfikkullu tunngavilersorluakkamik aallaa-veqarluni sullissinikkut iluarsartuussineq, aammalu naleqquttumik kigutunik paarsinermi tunn-gavissanik pitsaanerpaanik, atugassarititaasut iluanni aammalu pinaveersaartitsineramik immi-nullu paarilluarnermik pingaartitsilluinnarluni ataavartumik kalaallit kigutigissusiannik pitsann-gortitsisussamik tunngavissiisoq.

Tassani kigutilerinermut tunngasuni allanngortitsinerit marluk pineqarput. Allanngortitsinerup aappaani sulissussassat piviusut naleqqulluartullu, kigutunik paarsinerup sunniuteqarfigisinnaa-sai, tassalu meeqqat suli atualinngitsut, meeqqallu atuartut, inuusuttut allallu, kiisalu kigutileri-tinnissamik neqeroornermi maleruagassat erseqqinnerusut aalajangersarnissaannut Naalakker-suisunik piginnaatitsineq erseqqissarneqarput. Allanguutip aappaa innuttaasup nunap ilaani sumi kigutileritinnissamut pisinnaatitaaffeqarnera erseqqissarpaa.

Allanngortitassaq alla pingaarutilik tassaavoq ilanngussassatut aalajangersakkamik siunnersuu-teqarnissaq, taanna Naalakkersuisut aalajangersagaat malillugit immikkut illuinnartumik piso-qartillugu ikiorsiissutissanut tapiissuteqarsinnaanissaq, § 14, nr. 7 malillugu Kalaallit Nunaata avataani pissarsiarineqartussanik.

Ataatsimut isigalugu allanguutissatut siunnersuutit misilittakkat malillugit pisariaqartitsiner-mik paasisanut naleqqussaalluni iluarsiissutissatut pisariaqartinneqartutut isigisariaqarput.

Siunnersuutip aningaasaqarnikkut sulisoqarnikkullu kingunerisassai

Siunnersuut peqqinnissaqarfiup missingersuutaanut tamarmiusunut aningaasartuutitigut allann-guuteqarfiussanngilaq.

Siunnersuutip sulisoqarnikkut sunniuteqarnissaa ilimagineqanngilaq.

Aalajangersakkanut ataasiakkaanut oqaaseqaatit

§ 1 pillugu

§ 1 siusinnerusukkut § 1-iusimasup assigaa.

Aalajangersakkap matuma peqqinnissaqarfiup suliassai pingaernerit taamaallaat saqqummiup-pai taamaalilluni peqqinnissaqarfik suliassanik tamakkiisumik allaaserinninnani.

Peqqinnissaqarfiup anguniagai pingaernerit tassaajuarpuk piffissami eqqortumi najukkamilu eqqortumi sullissineq eqqortoq isumagissallugu - atuisunut ataasiakkaanut inuiaqatigiinnullu nalinginnaasumik iluaqtaasussamik.

Sullissineq eqqortoq tassaavoq napparsimasup pisariaqartitsinera inuiaqatigiillu aningaasaqar-nikkut pisinnaaneriniq naligiissaarineq. Sullissineq sapinngisamik piffissaatillugu ingerlanne-qassaaq napparsimasullu nammineq avatangiisaanut qanittumiissalluni.

Taamatut anguniagaqarnermi tunngavigineqarpoq peqqinnissaqarfiup tamakkiisumik ajunngit-sumik atorpeqarnissaa. Tamakkiisumik atuneq imaangilaq sulisut atortussallu ikinnerpaat atorlugit annertunerpaamik sullissineq, akerlianilli peqqinnissaqarfiup anguniagai assigiinngit-sut sapinngisamik pitsaanerpaamik naammassissallugit sulisut atortussallu pigineqartut atorlu-git. Napparsimasup ataatsip "sinneqartumik amigartumilluunniit sullinneqarnera" kinguneqar-tarpoq tamakkiinngitsumik sullissinermik. "Sinneqartumik sullissinermi" passutassaraluit allat eqqorneqartarput, "amigartumillu sullissineq" kinguneqartarluni napparsimasut ataasiakkaat naammaginartumik katsorsarneqannginnerannik.

Taamaattumik tamakkiisumik sullissineq tassaavoq peqqinnissaqarfiup anguniagai naapertorlu-git peqqinnissaqarfiup nukiinik agguataarineq.

Peqqinnissaqarfiup suliassaasa pingaernerit ilagaat oqartussaaffiit allat suleqatigalugit innuttaa-sut peqqinnissaat siuarsassallugu. Aalajangersakkami erseqqissarneqarpoq peqqinnissaqarfiup taamaallaat suliassarinnigikkaa nappaatinut aalajangersimasunut ajutoornernulluunniit immikko-ortunut suliniuteqarnissaq, annertunerusumilli suliniuteqarneq, taamaalilluni nalinginnaasumik inuit ataasiakkaat ajutoornerit nappaatillu pinngitsuussallugit qaangerniassallugillu kiisalu peqqinnissakkut nappaatigullu ajornartorsiutit pitsaanerusumik qaangerniassallugit. Tamanna Ottawami Isumaqatigiissummut naapertuuppoq, tassani peqqinnissamut siuarsaneq imatut nassuiarneqarami: "ingerlaaseq inunnik peqqissuserminnik naalagaaffiginninnerulersitsisoq pitsaanerulersitsisorlu".

Tunngaviusumik peqqinnissakkut kiffartuussinerit peqqinnissaqarfefarfimmi inuit allattorsi-

maffianni nalunaarsorsimasumut inummut tunniunneqartassapput. Innuttaasulli tamatumingga piunasaqarsinnaanngillat peqqinnissaqarfimmik ingerlatsineq pilersaarusionerlu qitiusumik suliassaammata.

§ 2 pillugu

§ 2 siusinnerusukkut § 2-simasoq assigaa.

§ 2, imm. 1-imi najugaqarnermut atatillugu piunasaqaatit aalajangersarneqarput

Sullissinerit § 2, imm. 1-mi pineqartut tassaapput Kalaallit Nunaanni peqqinnissaqarfinni kalaallinut neqeroorutaasut. Sullissinerilli immikkut ittumik tunngavissaqartitsisoqartillugu Kalaallit Nunaata avataani atuutsinneqarsinnaapput.

§ 2, imm. 2-mi inuit nunami maani najugaqarallartut sullinneqarnissamut pisinnaatitaaffii pillugit malittarisassanik erseqqinnerusunik Naalakkersuisut aalajangersaasinnaanerat erseqqisarneqarpoq.

Taamatut erseqqissaateqarnermut tunngaviuvoq tamatuma allaffissornikkut paatsuunganartoqarnera, tassa nunat tamalaat akornanni malittarisassat assigiinngisitaarmata. Taamaattumik taanna immikkoortinneqarpoq nunat tamalaat akornanni napparsimasunik ikiueqatigiittarnissaq pillugu isumaqatigiissusiortoqarsinnaanngikkaangat immikkuualuttutigut immikkut malittarisassiuffigineqarsinnaasunngorlugu. Isumaginninnikkut isumannaallisaavigineqarnissaq pillugu Nunat avannaamioqatigiit isumaqatigiissutaat Inatsisartunit akuersarneqarpoq, tamatumuunalu nunani avannarlerni Danmarki Savalimmiullu ilanngunnagit, innuttaasut isumaqatigiissutip oqaasertaliorneqarnera naapertorlugu qulakkeerunneqarput. Taamaasilluni naalagaaffeqatigiiffiup iluani immikkoortut arlaanni inuit aalajangersimasumik najugaqartut pisinnaatitaaffii pillugit allangortitsinissamut periarfissaqalerpoq.

§ 3 pillugu

§ 3 siusinnerusukkut § 3-usimasup assigaa.

Inuit aalajangersimasut immikkut pineqartut ilaatigut makkuupput: Pituffiup sakkutooqarfiani sulisut tassungalu attuumassuteqartuni kalerrisaarivinniittut, Grønlands Kommandomi, Kulusummi Mestersvigimilu mittarfeqarfimmiittut, Danmarkshavnimi Prins Christian Sundimilu nalunaarasuartaasiorfimmiittut, Tunup Avannaatungaani sakkutooqarfinni sulisut kiisalu Siriusimi sulisut.

Sakkutooqarfiup sulisuni nammineq isumagisussaavai.

§§ 4-5 pillugit

§§ 4-5 siusinnerusukkut §§ 4-5-isimasut assigai.

Aalajangersakkat tunngaviusut erseqqissarpaat peqqinnissaqarfiup pisussaaffii killeqartut, tassa inatsisikkut imaluunniit sulisitsisoq umiarsuaatililluunniit sulisorisanut allanut nakorsatigut ikiuinissamut napparsimasumilluunniit paarsinissamut pisussaataappat.

§ 6 pillugu

§ 6 siusinnerusukkut § 6-iusimasoq assigaa.

§ 6, imm. 3 Inatsisartut peqqussutaat malillugu kiffartuunneqartussaataaneq pillugu Naalakkersuisut malittarisassanik aalajangersaasinnaapput, inuit Kalaallit Nunaata avataani najugaqarallartussatut, misissortittussatut nakorsartittussatut il.il. innersuunneqarsimasut innersuunneqarnermik nalaani inuit allattorsimaffianni nalunaarsorneqarnerminnik allanngortitsisariaraqaraangata.

Aalajangersagaq malillugu Naalakkersuisut malittarisassanik aalajangersaasinnaapput, inuk innersuunneqarnermi nalaani Kalaallit Nunaanni inuit nalunaarsorsimaffianni nalunaarsorsimasoq Inatsisartut peqqussutaat malillugu innersuunneqarfimmi nalaani kiffartuunneqarsinnaati-taammat, Inatsisartut peqqussutaat malillugu kiffartuussineq Kalaallit Nunaanni taamaallaat neqeroortigineqarsimatinnagu.

Aalajangersakkami qulakkeerneqassaaq inuit innersuunneqarsimanertik pillugu sivisuumik Kalaallit Nunaata avataaniittussat innersuunneqarnermik nalaani inuit allattorsimaffianni nalunaarsorsimanerminnik allanngortitsisariqartut Inatsisartut peqqussutaat malillugu kiffartuunneqarnissaminnut periarfissaqarnissaat.

§§ 7-9 pillugit

§§ 7-9 siusinnerusukkut §§ 7-9-kkut assigai.

"Ukioq 2000-imi kikkut tamarmik peqqissuunissaat" anguniarlugu pingaartuuvoq meeqqanik napparsimanaveersaartitsinikkut peqqinnissakkullu siuarsaanermi sapinngisamik piaartumik suliniuteqarnissaq. Arnat naartuut tamarmik akeqanngitsumik misissorneqarnissaminnik kiisalu napparsimmavimmi erninissaminnut neqeroorfigineqartassapput. Erseqqissarniarlugu arnat naartuut tamarmik assigiimmik peqqissumik inuunissaminnut periarfissaqassasut, peqqissutsi-mut misissuisarnermut erninermilu ikiorserneqarnissamut arnat naartuut tamarmik neqeroorfigi-neqartassapput. Aalajangersakkap aammattaaq qulakkeerpaa sullissinerit akeqanngitsuussasut.

Innuttaasunit piumasaqaatigineqarsinnaanngilaq misissuinerit imaluunniit erninermi ikiorserne-

qarnerit arnap naartuup najugaqarfittut nalunaarsorneqarfiani ingerlanneqassasut. Tamanna ima paasineqassaaq peqqinnissaqarfiup ingerlanneqarnera pilersaarusiordfigineqaranilu qitiusumik suliaassasoq.

Naartunermut atatillugu neqeroorutit akeqanngitsumik akilimmilluunniit, arnanut sivikitsuin-narmik maani nunamiittussaasunut, tassani apeqqutaalluni arnaq pineqartoq nunami Danmarkip isumaginninnermut toqqissisimanissaq pillugu isumaqatigiissuteqarfigisaani innuttaaner soq/najugaqartuunersoq.

§§ 10-12 pillugit

§§ 10-12 siusinnerusuklut §§ 10-12-iusimasut assigai.

WHO-p anguniagai naapertorlugit meeqqat inuusuttullu 18-inik ukioqalernertik tikillugu peq-qinnissakkut isumagineqarnissaminnut akeqanngitsumik neqeroorfigineqartartussaapput, taa-maasilluni meeqqat inuusuttullu peqqinnissaannik siuarsaanermi nappatsaaliuinnermilu suliniutit patajaallisinneqassallutik.

Meeqqanik peqqinnissakkut isumaginninnermi tungavigineqassaaq peqqinnissaqarfimmi sulisut, meeqqap/inuusuttup, ilaqutariit najukkanilu innuttaasut akornanni suleqatiginneq.

Meeqqat atuartuunngitsut atuartullu peqqissutsikkut misissuiffigineqarneranni meeraaqqallu peqqinnissakkut isumagineqarnerat suli anguniagaavoq meeqqap ineriartornermini periarfissai siuarsarneqassasut, napparsimalersitsisartut pinngitsoortinneqartarnissaat, sapinngisamillu piaarnerpaamik ulluinnarni inuunermi ineriartornermilu ajornartorsiutit katsorsarneqartassasut, taamaalilluni sapinngisamik pinngotsoorneqaqqullugit kingusinnerusuklut inuuniarnermi, peqqissutsikkut aamma/imaluunniit inooqataanikkut ajornartorsiutit.

Taamaattumik aalajangersakkat ima aqqissuunneqarput meeraaqqanut peqqinnissakkut isuma-ginninnermi soorluttaaq atuarfinni peqqinnissakkut isumaginninnermi nalinginnaasumik, inum-mut ataatsimut immikkullu ittumik siunnersuinnermik ikiuinnermillu imaqartinneqarlutik. Aam-mattaaq siunniunneqarpoq sapinngisamik angajoqqaat, peqqissaasut, nakorsaqaarnikkut, inooqa-taanermi kiisalu isumaginninnermi immikkut ilisimasallit suleqatigiissinneqarnissaat.

§ 13 pillugu

§ 13 siusinnerusukkut § 13-iusimasup assigaa.

Ineriartornermi naleqqussaanissamut sapinngisamik pitsaanerpaamik periarfissiinissaq anguniarlugu akiuussutissamik kapuuisarneq pillugu erseqqinnerusunik malittarisassanik aalajangersaasoqassaaq.

Inersimasunut akeqanngitsumik akiuussutissanik kapuuisarnermi neqeroorutit eqqarsaatigalugit § 14, nr. 6-i innersuussutigineqarpoq.

§ 14 pillugu

§ 14 siusinnerusukkut § 14-iusimasup assigaa.

Aalajangersakkami nr. 1-ikkut aalajangersarneqarpoq nappatsaaliuinermi peqqissutsikkut misissortinneqarnissamut pisinnaatitaaffiit. Tassani siunertaavoq imminut isumaginerup patajaallisarneqarnissaa, taamaasilluni nappaatit pinngitsuinneqarsinnaaqqullugit imaluunniit sapinngisamik piaartumik paasineqarsinnaaqqullugit.

Aalajangersakkami nr. 4 malillugu meeraaqqanik peqqinnissakkut isumaginninneq § 11-imut sanilliullugit killilersorneqassapput. § 14, nr. 4-mi pineqarpoq inunnik peqqissunik passussisarneq, soorlu tagiartuinikkut pissutsit ajornartinngippassuk.

Aalajangersakkami nr. 5-ikkut erseqqissarneqarpoq peqqinnissaqarfik aallaavittut kisimiilluni nakorsaasersuisinnaasoq, nakorsaatissaq atugassatut allattugaappat. Aalajangersakkamili periarfissiisoqarpoq taamatut periuseqarneq sanioqqunneqarsinnaasoq, nakorsalli naliliinera naapertorlugu nakorsaatissaq atugassatut allattugaanngitsoq katsorsaanerme pisariaqartinneqarpat.

Nappaatinut akiuussutissamik kapuuisarneq pillugu aalajangersakkami nr. 6-ikkut inatsisitigut tunngavissiivoq inuit 18-ileereersimasut akeqanngitsumik akilimmilluunniit akiuussutissamik kapineqarnissaannut neqerooruteqartarnissap qulakkeernissaanut, apeqqutaalluni nappaammut sorlermut akiuussutissamik kapineqarnissaq.

Atortorissaarutininik peqqinnissaqarfik attartortitsisinnaavoq nr. 7-i malillugu ikiorsiissutaasussat nakorsarneqarnermut ilaatinneqarpata.

§ 15 pillugu

§ 15-ip siusinnerusukkut § 15-usimasoq aamma § 16-iusimasoq taarserpai.

Kigutigissaanermi anguniagaavoq innuttaasut kigutaat, qanii alleruilu peqqillutik atorneqarsinnaassasut inuunerlu naallugu pitsaasuullutillu atorluarneqarsinnaassasut inuillu ataasiakkaat timimikkut tarnimikkullu naammagisimaarsinnaasaannik.

Imm. 1-imi peqqinnissaqarfiup kigutileritinnissamik neqeroorutaani meeqqat suli atuartalinngitsut, meeqqallu atuartut, inuusuttut allallu pineqarnerat erseqqissarneqarpoq. Tassani ukiorpassuarni peqqissuutitsinissakkut ilisimasanik tunngaveqarneq aammalu sulianik aqutsinermillu arlalitsigut pisariaqartinneqartunik pingaartitsinermik pissuserineqarsimasoq naleqqussaaffigineqarpoq. Sulissunniakkat assigiinngitsut tamakku pinaveersaartitsiniarnerup kigutilerinerullu ingerlanneranni nalunaarfiginnittarnerit suliniutillu assigiinngitsut sulianut ataasiakkaanut naleqqussarsimasut atorlugit tikinneqartarput.

Imm. 2-mi Sulissunniakkanut imm. 1-imi taaneqartunut peqqinnissaqarfiup kigutileritinnissamik neqeroorfigisaanut maleruagassanik Naalackersuisut erseqqinnerusunik aalajangersaanissaminnut piginnaatinneqarput. Neqeroorutinut taakkununnga maleruagassat suliarilluakkat nalunaarutitut suliaapput aammalu taamaalillutik pisariaqalerfiani qaqugukkulluunniit kigutilerinerup iluani ineriartorneq aammalu atortussaqaassutsikkut periarfissat najoqqutaralugit naleqqussarneqarsinnaallutik.

§ 16 pillugu

§ 16-ip siusinnerusukkut § 17-iugaluartoq taarserpaa.

§ 17 pillugu

§ 17-imi erseqqissarneqarpoq inuk - pisariaqavissumik kigutileritinnerup saniatigut - taamaallaat kigutileritinnissamut neqeroorfigineqarsinnaasooq najukkami peqqinnissaqarfimmi, pineqartup najugaqartutut nalunaarsorsimaffiani. Najukkani peqqinnissaqarfinni ataasiakkaani najukkami namminerimi atortussatigut pilersaarusionerup eqqarsaatigalugu aalajangersakkap taassuma atuutilernissaa pisariaqarpoq.

§ 18 pillugu

§ 16 siusinnerusukkut § 18-ioreersumut naapertuuppoq una ilassutigalugu, tassa Naalackersuisut immikkut ittumik pisoqartillugu Kalaallit Nunaata avataani kigutileritinnissamut maleruagassat aalajangersarnissaannut piginnaatinneqarmata. Misillitakkat takutippaat ataasiakkaatigut

immikkut ittumik maleruagassanik taamaattunik atorfissaqartitsisoqartartoq soorlu assersuutigalugu napparsimasut napparsimmavinni Kalaallit Nunaata avataaniittuni il.il. sivisuumik uninn-gasut eqqarsaatigalugit.

§ 19-21 pillugit

§ 19, imm. 1 aamma §§ 20-21 siusinnerusukkut §§ 19-20-iusimasut assigaat.

Nunaqarfinit illoqarfinit il.il. nakorsap peqqusineratigut angallasserit peqqinnissaqarfiup akilertarpei.

Ujarlertoqartillugu annaassiniartoqartillugulu imaani annaassiniarneq Grønlands Kommandop akisussaaffigaa, najukkallu eqqaanni imartani annertunngitsunik kiisalu nunami ujarlernerit annaassiniarnerillu Kalaallit Nunaanni politimesterip tamanna akisussaaffigalugu.

§ 19, imm. 2-mi erseqqissarneqarpoq angalanermi nalinginnaasumik nerisaqarlunilu unnuisariaqarnermi aningaasartuutit peqqinnissaqarfiup akilertarai. Akerlianik angalanermi immikkut ittumik nerisaqarlunilu unnuisariaqarnermi, soorlu sila peqqutigalugu teknikulluunniit ajornartorsiuteqarneq peqqutigalugu, taava angallatigisap angallassisuusup aningaasartuutit akilissavai, soorlu timmisartuutit eqatigiit umiarsuaatileqatigiilluunniit. Unnuinermi nalinginnaasumik nerisaqarneq unnuinerlu peqqinnissaqarfimmit akilerneqassappata taava peqqinnissaqarfiup unnuiffissatut innersuussaani unnuinerit taamaallaat akilerneqassapput.

§ 20-mi inunnut nunami maaniikkallartunut angallassineq pillugu Naalakkersuisut erseqqinnerusumik malittarisassanik aalajangersaanissaannut piginnaatitsisoqarpoq. Taamaasilluni inunnut nunami maaniikkallartunut akeqanngitsumik angallassisinnaaneq pillugu, tamanna piumasarineqarpat, malittarisassanik aalajangersaanissamut periarfissaqalerpoq.

Aammattaaq suliassaqarfik nunat tamat isumaqatigiissutaatigut iluarsineqassaaq.

§§ 22-23 pillugit

§ 22, imm. 2 aamma § 23 siusinnerusukkut § 22, imm. 2 aamma § 23.-iusimasut assigaat.

§ 22, imm. 1 imaalillugu allangortinneqarpoq, Tulleriissaarinnermut ataatsimiititaliamik inuup najugarisaata avataani misissortinnissamik nakorsarneqarnissamillu innersuussisartussamik Naalakkersuisut pilersitsissasut. Aammattaaq erseqqissarneqarpoq Suliani ataasiakkaani inunnut tunngassuteqartunut Tulleriissaarinnermut ataatsimiititaliap aalajangeri allaffissornikkut oqartussaasunut allanut ingerlateqqinneqarsinnaannginneri.

Aalajangersakkakut erseqqissarneqarpoq inuup najugaata avataani peqqinnissaqarfimmi misissorneqartussatut nakorsarneqartussatullu innersuussinissaq pisariaqartoq nakorsartiffissaq Kalaallit Nunaanni avataanilluunniit inissisimagaluarpat.

Tulleriissaarinnermut ataatsimiititaliaq arlaannaanulluunniit attuumassuteqanngilaq, inaarutaasumillu allaffissornikkut aalajangiisinnaassuseqarluni.

Siunertaavoq Tulleriissaarinnermut ataatsimiititaliaq suleqatigiiffiussasoq nakorsaqaarnikkut allaffissornikkullu - pingaartumik aningaasaqarnermut - ilisimasalinnit inuttaqartussa. Taa-maattoqassaaq suliassat tamarmik tamanit erseqqissaaffigineqarnissaat periarfissinniarlugit.

§ 22, imm. 2-kkut Dronning Ingridip Napparsimmavissuani nakorsaanernik tulleriissaarisartunik suliassani tamanut tunngasuunngitsuni aalajangiisinnaassuseqartitsinissaminut Tulleriissaarinnermut ataatsimiititaliaq tunngavissinneqarpoq. Ullumikkullu innersuussisarnermut malittarisassanut tulluuppoq.

§ 22, imm. 3-kkut Tulleriissaarinnermut ataatsimiititaliap katitigaanera, toqqaasarneq sulinerallu kiisalu ilaasortat akornanni aalajangiisinnaassuseqarneq pillugit Naalakkersuisut malittarisassanik aalajangersaanissaminut tunngavissinneqarput. Aammattaaq tulleriissaarisarneq aammalu innersuussisarnermi piumasaqaatit pillugit Naalakkersuisut malittarisassanik aalajangersaasinnaapput.

§ 22, imm. 4 malillugu inuup najugaani peqqinnissaqarfiup avataani misissortinnissamut nakorsartinnissamullu atatillugu kiffartuunneqarsinnaatitaaneq pillugu Naalakkersuisut malittarisassanik aalajangersaasinnaapput. Siunertaavoq § 22, imm. 1 malillugu innersuussinnermut atatillugu peqqinnissaqarfiup kiffartuussissutitut suut neqeroorutigissanerai Naalakkersuisut malittarisassanik erseqqinnerusunik aalajangersaassasut. Ilaatigut ingiaqateqarnermut, nerisaqarnermut unnuinnermut kiisalu Kalaallit Illuanni sullissinerit il.il. pillugit Naalakkersuisut malittarisassanik aalajangersaasinnaapput.

§ 23, imm 2-mi Naalakkersuisut tunngavissaqarput nakorsartiffiit Kalaallit Nunaata avataaniitut ator-neqarsinnaaneritut malittarisassanik erseqqinnerusunik aalajangersaanissaminut.

§ 24 pillugu

§ 24, imm. 1 siusinnerusuklut 23-iusimasup assigaa.

Aalajangersakkami erseqqissarneqarpoq peqqinnissaqarfiup sullissinera nalinginnaasumik akeqassanngitsoq, aammattaaq pissutsit Inatsisartut peqqussutaanni toqqaannartumik ilanngunneqarsimannngitsut.

§ 24, imm. 2-kkut aalajangersarneqarpoq malittarisassat Naalakkersuisut aalajangigaat malillugit immikkut illuinnartumik pisoqartillugu § 14, nr. 7 malillugu atortorissaarutitut Kalaallit Nunaata avataaniit pissarsiarineqartussanut tapiissuteqartoqarsinnaasoq. Malittarisassap tamatumma siunertaraa pissutsit immikkut ittut atuutsillugit tapiissuteqartarnermi malittarisassat naliginnaasut saniatigut tapiissuteqarsinnaanissaq taamaasilluni atortorissaarutit Kalaallit Nunaata avataaneersunut tapiissuteqartoqarsinnaanngorlugu.

§ 25 pillugu

§ 25 siusinnerusukkut § 24-iusimasup assigaa.

Aalajangersakkap siunertaraa peqqinnissaqarfik suliffeqarfittut imminut ingerlattutut sunniuteqaqataanissaa. Peqqinnissaqarfik suliffeqarfiussaaq avammut sammisoq suliaminik tunisaqarsinnaasoq: peqqinnissamik sullissineq il.il.

Taamaallaat sullissinerit pineqarput inatsisartut peqqussutaani uani pisussaaffiit avataaniittut, pissutsinilu allani aalajangersakkami ilanngunneqanngitsut. Erseqqissarneqassaaq inatsisartut peqqussutaat una naapertorlugu peqqinnissaqarfiup neqeroorutaani allani annikilliliisoqassanngimmat.

Assersuutigalugu taaneqarsinnaavoq peqqinnissaqarfik suliniutini sullissinermik neqerooruteqarsinnaammat, sinerissami peqqinnissaqarfiit avataaniittuni, soorlu sulisitsisoq inatsisikkut sulisuminut peqqissaasumik peqartitsisinnaammat. Pissutsini taamaattuni peqqinnissaqarfik periarfissaqarpoq aningaasatigut isumaqatigiissuteqarnikkut peqqinnissaqarfimmi sulisoq inissikkallarsinnaallugu.

§ 26 pillugu

§ 26 siusinnerusukkut § 25-iusup assigaa.

Aalajangersagaq tunngavissaqartitsilerpoq kalaallinut inuiaqatigiinnut peqqinnissakkut ilisimatusarnernut pingaarutilinnut tapiissuteqarnissamut. Tapiissuteqarnissamut piumasaqaataanngilaq ilisimatusartut nunami maani najugaqavinnissaat.

Ilisimatusartunut kaammattuutaassaaq nunani allani aningaasatigut tapiiffigineqarsinnaaneq, aamma taamatut Kalaallit Nunaanni aningaasatigut tapiisoqarsinnaappat. Tamanna anguniarlugu aningaasanut inatsimmi ilisimatusarnermut atugassanik immikkoortitsisoqarpoq.

§§ 27-29 pillugit

§§ 27-29 siusinnerusukkut §§ 26-26b-usup assigai.

§ 27-ikkut erseqqissarneqarpoq Inatsisartut peqqussutaat manna naapertorlugu kikkut naammagittaalliorsinnaatitaanersut.

Suliap naammassineqarnissaanut immikkut annertuumik soqutigisaqarneq imaappoq, pissuseq naammagittaalliuutigineqartoq tassaassalluni inummut pineqartumut tunngassuteqarpiartoq.

§ 28 aqutsinermut inatsimmi § 21-imut naapertuuppoq, inatsimmi tassani kapitali 11 siusinnerusukkut innersuussissutaasarsimavoq.

§ 26b-mi aalajangersagaq § 22-imut, Tulleriissaarinermut ataatsimiititaliamik arlaannaannulluunniit attuumassuteqarani innersuussinermik suliassani aalajangiisinnaatitaasumik pilersitsisumut, assinguvoq. Tamatuma kingunerisaanik Tulleriissaarinermut ataatsimiititaliap aalajangiineri Peqqinnissamut Pisortaqarfimmut naammagittaalliuutigineqarsinnaanngillat.

Naammagittaalliuuteqarnissamut sap. akunnerinik sisamanik piffissaqartitaaneq imaappoq naammagittaalliuuteqarnissamut piffissarititaasoq naassasoq aalajangiinerup pineqartumut nalunaarutigineqarnerata tiguneqarfianit sap. akunneri sisamat qaangiuppata. Tassa imaappoq naammagittaalliuut Peqqinnissamut Pisortaqarfimmut apuutereersimassaaq aalajangiinerup tiguneqarneranit kingusinnerpaamik sap. akunnerisa sisamat qaangiunneranni. Naammagittaalliuuteqartoqarsinnaaneranik ilisimatitsinnginneq imaluunniit amigaateqartumik imaluunniit annertuumik amigaatilimmik naammagittaalliuuteqarsinnaaneq pillugu ilisimatitsissuteqarnerup kingunerissavaa naammagittaalliuuteqarnissamut piffissaliinerup atorunnaarsinneqarnera.